

Volkstanzgruppe Micheldorf



Rudenkirtag Sierning Faschingdienstag 13.2.2018

<p>Der Bräuer Franz sagt heit ade, de Zeit mit eahm war recht sche, will sei Amtl weitergebm und dann sorg(e)nfreier leb'm. Der neiche Chef Hundberger Bert, macht sicher nix verkehrt, es wird uns scho nix passiern, mit(n) Schachtlmacher va Sierng.</p>	<p>Der Nandu Franzl und sei Sissi, schwimmen über d Steyr a bissi, wochenlang hats d Feuwehr gsuacht und übers Nandu-Weibl gfluacht, endlih haums es doh eingfanga, gleich drauf is des Viech einganga, weils allweil dumm abergeht, wann wer va(n) Vögl(n) nix vasteht!</p>
<p>Der Siernga Überdrüber-Knüller war d Pleite van Bruckmüller, seine Firmen gehngan badn, über 100 Mille Schadn. A Kreuz is mit'n Geld, wann's an allen Ecken fehlt, jetzt schaut des Siernga-Michelin-Mandl, ziemlich traurig aus'n Gwandl.</p>	<p>In Danner Sepp, dem geilen Wicht, passiert desnachst a blede Gschicht, kennst sih net guat aus ban Handy und verdruckt sih leider ständi, schickt a Foto va sein Schatzl ins Internet als Nackapatzl. Jetzt hat er Smogalarm und mehr, dicke Luft und koan Verkehr.</p>
<p>Der KHG sagt neulih aus, bin ärmer wia a Kirchenmaus, aber in Amerika, is mei Konto net ganz laar. In Garsten drin sans scho dabei und machan ma a Zimmer frei. Kunnt i net d' Fiona buckn, schlafat i unter da Bruck'n.</p>	<p>Mit vü Verbote is vorbei, durch d' Regierung, - seit hei. Tempolimit gibt's koans mehr, 140 -- oder mehr. A mit'n Rauchverbot wird's gar, kannst bofeln, so wias früher war, weil da Strache auf des steht, wanns nebm eam <i>sche blau</i> aufgeht.</p>
<p>An großen Ärger hat VW, viel Affen haum jetzt Schäd'lweh, der Abgastest is net normal, für de Viecher zu brutal. Tierschützer de schrein jetzt auf, hört's doch mit dem Blödsinn auf, nehmts den Firmenvorstand, da san gnuag Affen beinand.</p>	<p>La wird in Schiedlberg die Kirchagassn, da Pfarrer Greil wü d'Pfarr verlassen, werdn koan Neichn nimma kriagn, machts der Sperka mit va Sierng, A zweite Mess'is net sei Ding, vielleicht machts da Maschinenring, weil auf des Geschäft is koana schoaf, in dem verpufften Sündendorf.</p>
<p>Da Lauda sagt, da legst de nieder, jetzt hab i meine Fliega wieder, für meine Jets, die Roten, hab i dreimal angeboten, dem Personal soll i mehr geb'n, da muaß' i meine Ohrn anlegn, weil des Oane kinnt's euch denken, ich hab' ja nichts zu verschenken.</p>	<p>In Schweden haums a neiche Plag, derfst schnaksln nur mehr mit Vertrag, willst es mit an Mäd'l treibm, muaß sie z'erst unterschreibm. Von der Wiege bis zur Bahre, Formulare, Formulare. Waun dann da Kuli net glei geht, kunnts sein, das er nimmer steht.</p>

Volkstanzgruppe Micheldorf



Rudenkirtag Sierning Faschingdienstag 13.2.2018

<p>Zwischen Kirchdorf und Stey, gibt's bald a Bauernkammer nei, ganz aus Holz haums' es baut, wo bald der Holzwurm außaschaut. Im Büro werdn's des net vatrag'n, oiweil hearns de Viecherl nagn, da werdn se glei a poar beschwern, weil's beim Schlafen ziemlich störn.</p>	<p>Verstehst du heit vom Kochen nix, brauchst du einen Thermomix, ob Kuchen, Bratl, Schweinskottelet, ois macht des Ding, du glaubst es net, betracht ma des ganz genau, ersetzt des Trum fast eine Frau, und nimmst'n abends mit ins Bett, na, --- ois kann er net.</p>
<p>Ban Siernga Rudnkomitee, derf endlih d Jugend nachigeh, da neiche Tanzherr hats in Bluat, den steht der Huat genauso guat, so an Buam hat gwiss net jeder wia der Mandorfer Peter, drum hoff ma vor alln, das alle zwoa an Liter zahl'n!</p>	